

AC23006

Memoria xustificativa do acordo de colaboración entre a entidade pública empresarial Augas de Galicia e a Axencia para a Modernización Tecnolóxica de Galicia (AMTEGA) para o uso de servizos tecnolóxicos transversais xestionados dende a AMTEGA

1 Antecedentes

A Amtega ten entre as súas competencias, a dirección e xestión de todas as actuacións da Xunta en materia de tecnoloxías da información e as comunicacións, segundo o artigo 9 do Estatuto da Axencia para a Modernización Tecnolóxica de Galicia aprobado polo Decreto 252/2011, do 15 de decembro, polo que se crea a Axencia para a Modernización Tecnolóxica de Galicia e se aproban os seus estatutos, modificado polo Decreto 9/2021, do 21 de xaneiro, polo que se suprime o Centro Informático para a Xestión Tributaria, Económico-Financeira e Contable (Cixtec).

A entidade pública Augas de Galicia, entidade creada pola Lei 9/2010, do 4 de novembro, de augas de Galicia (DOG núm. 222, do 18.11.2010) e regulada polo Decreto 32/2012, do 12 de xaneiro, polo que se aproba o seu estatuto (DOG núm. 9, do 13.01.2012) é unha entidade pública empresarial do sector público autonómico de Galicia, adscrita á Consellería de Infraestruturas e Mobilidade, con personalidade xurídica propia e plena capacidade de obrar para o cumprimento dos seus fins, e constitúe o medio, xunto co resto de órganos que integran a Administración hidráulica de Galicia, a través do cal a Comunidade Autónoma de Galicia exerce as súas competencias en materia de augas e obras hidráulicas.

A Lei 4/2019, de 17 de xullo, de administración dixital de Galicia, regula no seu artigo 118 o catálogo dos sistemas dixitais, no que se recollerán as aplicacións, os sistemas de información e as infraestruturas tecnolóxicas que utilizan ou se poñen a disposición dos órganos e entidades do sector público autonómico para o seu funcionamento interno, para a prestación de servizos á cidadanía e para a relación con outras administracións.

Adicionalmente a Amtega xestiona outras plataformas e sistemas que contribúen ao funcionamento ordinario da administración pública.

Na actualidade Augas de Galicia non ten integradas as súas competencias en tecnoloxías da información e comunicacións (TIC) na Amtega, non obstante, considera que dentro das aplicacións, infraestruturas e plataformas que xestiona a Amtega, existen varias solucións útiles para dar resposta ás súas necesidades dos seus ámbitos de actuación.



2. Obxectivos que se pretenden

O obxecto do presente acordo é establecer as bases da colaboración entre a entidade pública empresarial Augas de Galicia e a Axencia para a Modernización Tecnolóxica de Galicia, para a utilización por parte da entidade pública empresarial Augas de Galicia de servizos comúns que permitan a racionalización dos recursos TIC.

3. Necesidade da colaboración, razóns de oportunidade e xustificación da non concorrencia

A colaboración ou cooperación consistirá na participación mediante achegas de traballos de organización, medios persoais e materiais ou recursos financeiros para a finalidade de interese xeral, de acordo coas respectivas competencias, e será sempre diferente das estruturas contractuais onerosas reguladas na lexislación de contratos do sector público.

Por outra banda, o Consello da Xunta, na súa xuntanza do 1 de agosto de 2014, acordou aprobar "as instrucións para o establecemento dun modelo de sustentabilidade para a dixitalización dos servizos públicos".

O desenvolvemento e xestión das plataformas e ferramentas asociadas aos servizos incluídos neste acordo veñen sendo asumidas integramente pola Amtega principalmente a través da formalización de contratos celebrados con empresas externas.

A adhesión por parte de Augas de Galicia implica un incremento das capacidades que deben ter estas plataformas para o seu correcto funcionamento, o que afecta aos contratos que a estes efectos ten asinados ou que se podan asinar no futuro para o seu funcionamento. A Amtega repercutirá a Augas de Galicia, de acordo co previsto neste acordo, o impacto que sobre os custes directos dos ditos contratos implica a utilización das distintas ferramentas por esa entidade. En ningún caso esta achega económica será con fins de lucro senón que se trata de repercutir o custo que realiza a Amtega para permitir a adhesión e soporte por parte de Augas de Galicia. Os custes repercutidos refírense basicamente á subministración de licenzas, adaptacións das ferramentas e ao mantemento anual da sostibilidade funcional e técnica dos sistemas empregados.

Na relación de sistemas incluídos no acordo de colaboración, está o acceso á plataforma de escritorios virtuais (VDI), esta plataforma permite a virtualización e publicación segura de escritorios virtuais de posto de traballo, facilitando ás persoas usuarias o acceso a un posto de traballo plenamente funcional dende calquera dispositivo e través dunha única área de traballo unificada e segura. Este sistema permite implantar un escenario de mobilidade real, tanto desde calquera sitio como tipo de dispositivo. Establécese un número de 200 licenzas de uso de VDI que quedará a disposición da entidade Augas de Galicia.



Augas de Galicia precisa 200 licenzas de acceso a plataforma de escritorios virtuais. Se ben a Amtega formalizou un Acordo marco mixto cun único empresario, dunha solución de virtualización de posto de traballo (VDI) na Xunta de Galicia, a adhesión a este acordo non é unha opción eficiente nin viable para Augas de Galicia xa que, conforme aos pregos de prescricións técnicas do citado acordo marco, a subministración de novas licenzas adquiriranse por bloques de 500 usuarios. Polo que, si Augas de Galicia se adhirese ao citado acordo marco tería que licitar un contrato derivado para adquirir 500 licenzas, cando soamente precisa 200.

Tendo en conta o anterior e seguindo o modelo de sustentabilidade para a dixitalización dos servizos públicos, a entidade Augas de Galicia e a Amtega manifestan a súa vontade de colaboración e con tal finalidade acordan a sinatura deste acordo de colaboración.

Este acordo producirá os seus efectos a partir da data da súa sinatura e a súa vixencia estenderase ata o 31 de decembro de 2026, podendo prorrogarse mediante a subscrición da correspondente addenda.

A súa vez, a Lei 14/2013, do 26 de decembro, de racionalización do sector público autonómico, establece no seu artigo 14 que a Administración xeral da Comunidade Autónoma e as entidades do sector público, ou estas entre elas, poderán formalizar acordos de colaboración ou cooperación para o servizo aos intereses xerais.

Así mesmo, de acordo co artigo 5 do Decreto 252/2011, do 15 de decembro, polo que se crea a Axencia para a Modernización Tecnolóxica de Galicia e se aproban os seus estatutos, queda desconcentrada na persoa titular da dirección da Amtega a competencia para subscribir con entidades públicas e privadas, en nome da Amtega, convenios de colaboración excluídos da lexislación de contratos do sector público.

4 Estimación de custos e financiamento

De conformidade co establecido no artigo 14.3 da Lei 14/2013, do 26 de decembro, de racionalización do sector público, Augas de Galicia compensará os gastos realizados pola AMTEGA para a execución do proxecto mencionado na cláusula primeira. te gasto estímase nunha cantidade máxima de 158.392,00 € (cento cincuenta e oito mil trescentos noventa e dous euros) por todos os conceptos, coa seguinte distribución por anualidades:

Servizo	2023	2024	2025	2026
Licenzas de acceso a plataforma de Escritorios Virtuais (VDI) – bloque para 200 usuarios	28.798,00 €	28.798,00 €	28.798,00 €	28.798,00 €
Servizos de administración	10.800,00 €	10.800,00 €	10.800,00 €	10.800,00 €
	39.598,00 €	39.598,00 €	39.598,00 €	39.598,00 €



Augas de Galicia transferirá o importe desde a conta financeira 227 "Equipos para procesos de información" da EPE Augas de Galicia, mediante transferencia ao número de conta da Xunta de Galicia que a Amtega comunique.

Coa sinatura deste acordo se procederá á ampliación do orzamento da Amtega na aplicación na aplicación 04.A1.571A.626.0, código de proxecto 2021 00015 para as anualidades 2023, 2024, 2025 e 2026 polo importe de cada anualidade mediante a xeración de crédito correspondente.

5. Vinculación co Plan estratéxico de Galicia

As actuacións son coherentes co Plan estratéxico de Galicia 2022-2030, aprobado polo Consello da Xunta de Galicia o 10 de marzo de 2022, ao que se vinculan da seguinte forma:

1. Eixo: 2. Galicia verde e sostible
2. Prioridade actuación: PA 2.4 Impulsar un modelo de crecemento sostible que aproveite as potencialidades do medio, dando prioridade á xestión eficiente do ciclo da auga, á economía circular e a protección do patrimonio natural.
3. Obxectivo estratéxico: OE 2.4.3 Garantir a protección do Dominio Público Hidráulico e xestión integral do medio hídrico. Mellorar a calidade das augas no seu medio natural reducindo a contaminación, eliminando vertidos e minimizando a emisión de produtos químicos e materiais perigosos, reducindo a porcentaxe de augas residuais sen tratar. Aumentar a eficiencia no uso dos recursos hídricos en todos os sectores e fomentar a redución dos consumos. Reducir a vulnerabilidade do medio natural e das instalacións fronte aos riscos derivados de fenómenos hidrolóxicos e meteorolóxicos extremos, tales como secas e enchentes.
4. Obxectivo operativo: OI01-Actuacións de soporte e apoio (Gastos de funcionamento).
5. Indicadores: P00440/Grao de execución (%)
6. Unidades de medición: grao de execución estimado no exercicio corrente.

Para a tramitación deste acordo de colaboración, tense observado o cumprimento dos requisitos establecidos na Lei 40/2015, do 1 de outubro, de réxime xurídico do sector público.

Santiago de Compostela, na data da sinatura electrónica
A directora de Augas de Galicia
Teresa María Gutiérrez López

